

- tandem
- Et licet ignicremis vellet dare moenia flammis,
 Nullus, qui causam potuisset scire, remansit.
325 Praecipiens causas citius deferre paratas.
 Ipseque de stabulis victorem duxit equorum,
 Hunc ob virtutem vocitaverat ille leonem.
 Stat sonipes, ac fraena ferox spumantia mandit.
330 Hunc postquam faleris solito circumdedit, ecce,
 Scrinia plena gazae lateri suspendit utriusque,
 Atque iteri longo modicella cibaria ponit,
 Loraque virgineae mandat fluitantia dextrae.
 Ipseque lorica vestitus, more gigantis,
 Imposuit capiti rubras cum casside cristas,
335 Ingentesque ocreis suras complectitur aureis;
 Et laevum femur ancipiti praecinxerat ense,
 Atque alio dextrum, pro ritu Pannonicarum,
 Is tamen ex una tantum dat vulnera parte.
 Tunc hastam dextra rapiens, clipeumque sinistra,
340 Cooperat invisa trepidus decedere terra.
 Foemina duxit equum, nonnulla talenta gerentem;
 In manibusque simul virgam tenet ipsa colurnam,
 In qua piscator hamum transponit in undam,
 Ut cupiens pastum piscis deglutiatur uncum.
345 Namque gravatus erat vir maximus undique telis,
 Suspectamque habuit cuncto sibi tempore pugnam.
 Omni nocte quidem properabant currere, sed cum
 Prima rubens terris ostendit lumina Phoebus,
 In silvis latitare student et opaca requirunt,
350 Sollicitatque metus, vel per loca tuta fatigans;

324 tandem B.D.I. 325 ocios D. 327 Quem ob C. quemque
 ob D. ob uirtutem quem B. Ob quam I. 331 iteneri A. itineri I.
 uteri B. 335 ingentes ocreisque D. suras ocreis I. 336 panno-
 niorum D. 337 alium dextro I. 338 dat tantum C. ipse A.C.D.I.
 341 dona gerentem D. nonnullum tale I. 345 Vualtarus erat C,